

SU PASTORE LADRU

Torra dae lontanu su pastore
 Ch'ha passadu s'igerru in terra istranza;
 Si' scutina' dae subra su torpore
 C'ha d'ingrassare carch'erveghe lanza.

Non chi non b'appa' godidu pro meda
 In cussos campos bundantes de erba,
 Ma faghe' ben'unu pagu de feda,
 Ispezialmente pro sa rob'acerba

C'ha bisonzu de ristoru in abbondancia
 Pustis de otto dies de caminu,
 E tantu piusu in tale circostanzia
 Cheren'a mandigare de continu.

Tocca de allevare sas anzenas
 Capitadas pro cumbinazione,
 Chi dan'a nou,prus mannas sas penas,
 Cuddas chi gighen'in fattu s'anzone.

E mi pare' bind'appa già chimbenta,
 Sottidas dae manca e dae destra;
 Ei su pastore de custu si anta'
 Chi non b'ha che a isse manu lestra

De sa sua pro fura e pro marcare
 a sinnu giustu precis'a sa sua;
 E su padronu s'eni'pro chircare,
 Lestru bisonza' ch'isse si che vus!

In coil'una die sa pattuglia
 Acciapa' senza sinnu e senza marca,
 De igerru mannitt'unu anzone:

A su pastorlessi mala sa buglia,
 Ca sa leg e sa manu subra carca',
 Dandeli batter'annos de presone!

SU SONU DE SA CAMPANA

Su manzanu a s'impudile,
Cand'ispunta s'aurora,
Bessi' dae campanile
Un'eco bella e sonora;

Una soave armonia
C'allegrad'e chi rattrista';
Chi da' lughe e chi da' ghia
Cand'oscurada e sa vista!

Paret su tintinnu sonu
Chi nerat:" trist'es sa vida;
Es' menzus fagher'a bonu
Ca si su male s'ischida!

Non s'ha nessunu cunfortu,
Nessuna gioia l'attrae';
E gia si disiza' mortu,
Pro haes paghe in cuddae!"

Su sonu paret chi nera
Chi brev'es sa sosta in terra,
Chi tramontand'ès cust'era,
Chi vicina est'una gherra

In ue s'umana zente
Si occhid'a manu sua,
E in custu mundu niente
B'ha meighina chi giua!

Pro salvare su disastru
Es" bene rimediare
Cun su coro a tottu gadu

E pode' torrare s'astru
D'amor'intensu a brillare
In mundu rinnovelladu!

SA VIDA IN SARDIGNA

S'ischi chi sos romanos in Sardigna
Su monte frumentariu han postu in mottu,
E cmprendian chi sa zente vi digna
De haes trigu e pane a friscu cottu;

Dain laore a vivere, e torrare
A su raccoltu, in matessi misura,
Senz'unu grammu denò ispeculare,
E senz'usare litros de usura!

E oe custa terra est tottu incolta
Ca nessun'ha pius su semineriu;
E s'ide su massagiu dare olta
Dae su campu, chi vi su soun imperiu;

Est custrintu pro forza a emigrare,
Lassande sa familia derelitta,
In sas fertiles terras d'oltremare
Ue s'oper'umana est infinita.

E sun dughenta mizza in terr'istranza,
Partidos da'inoghe in chirca e sorte;
Atteras nazione sun chi alanzas
Ca trabaglian pro issa fin'a morte!

E narre chin Sardigna sos trabaglios
Devian'eses pré doppia zente:
Ma bi sun sempre in mesu sos'incaglios,
E non s'es fattu e non si faghe niente!

Itte faghe su guvernante sardu
Pro ponnes frenu a s'emigrazione
E trabaglios sos sardos in Sardigna?

Pessa pro issu solu a ponne lardu!
E si ripeti s'eterna cantone:
"Si dole matta si udea gramigna"!